

四庫全書

經部

欽定四庫全書

經部

左傳事緯前集卷六

詳校官監察御史_臣團元良

給事中_臣溫常綬覆勘

總校官原任中允_臣王燕緒

校對官中書_臣袁文邵

謄錄監生_臣歐陽愛

欽定四庫全書

左傳事緯前集卷六

靈壁知縣馬驥撰

覽左隨筆

周室封建自武王及成康皆有之故昭九年傳曰武王
成康之建母弟二十六年傳曰武王克殷成王靖四方
康王息民並建母弟以蕃屏周是也按周公營洛始封
康叔成王翦桐以封唐叔如此之類明非武王所封也
其昭二十八年傳曰武王克商光有天下兄弟之國十

有五人姬姓之國四十人蓋言克商乃得封建歸功於武王耳又僖二十四年傳曰周公弔二叔之不咸故封建親戚以蕃屏周然所數二十六國亦非盡周公一時所建也

天子建邦設都故諸侯分土而置周自右稷封邠公劉遷豳大王居岐文王作豐則猶夏商之侯國也武王宅鎬成王營洛以定鼎則爲天子矣及周室凌夷而平王東遷遂入春秋其曰王城即成王定鼎之郊鄔也其敬

王之遷成周即成王所營之下都也

魯都曲阜本少昊之墟也又大庭氏居之故傳有大庭氏之庫又曰大庫之庭

晉都唐謂之夏墟大名也本堯所都謂之平陽晉水出焉故名曰晉正名翼亦名絳而平陽是其總名曲沃繼統遂居晉都至景公遷于新田復命新田爲絳而以故都爲故絳

齊都薄姑遷于營丘本顓頊之墟也

秦非子始居秦谷襄公赴幽王之難故平王與以岐豐之地莊公居犬丘文公居汧渭德公遷于雍自德公以下十八世居雍至獻公遷櫟陽孝公遷咸陽皆在春秋後也

楚都丹陽武王遷郢至昭王爲吳所滅又遷于都其始號荆至成王始改號楚也

宋都商丘本陶唐氏火正闕伯之墟也謂之火辰之墟相土因之

衛都朝歌本紂都謂之商墟及懿公爲狄所滅宋桓公立戴公以廬于曹齊桓公城楚丘而遷之後文公又遷于帝丘顯帝之墟也故曰帝丘夏世昆吾氏居之故曰昆吾之墟

鄭本封西周畿內之地至武公而遷濟洛河潁之間謂之新鄭

陳都宛丘太皞之墟

蔡都汝南昭侯服役于楚徙州來

許國小近鄭再滅之以爲俘邑悼公附楚遷葉又遷于城父又遷于白羽又遷于容城

曹都定陶

莒都密州遷鹽官謂之南莒

邾都邾文公遷于繹其後魯伐邾取繹當別有繹

吳都姑蘇

越都會稽

滕遷都于公丘其故地爲小邾

薛故都本在魯地築臺于薛是也奚仲遷于邳
杞都雍丘遷于緣陵又遷淳于

小邾都故滕也以上二十國有世系圖

諸小國都名見左傳者號都上陽州都淳于鄆都開陽
肥都昔陽都商密

諸侯興廢

與原本異

魯滅四國

項

根牟

鄆

邾

晉滅十三國

耿

霍

魏

號

虞

潞氏 甲氏 留吁 鐸辰 偁陽

肥 陸渾 鼓

齊滅五國 紀 譚 遂 鄆 萊

秦滅二國 梁 滑

楚滅二十國 權 申 鄧 息 弦

黃 夔 江 六 蓼

庸 蕭 舒蓼 舒庸 舒鳩

賴 唐 頓 胡 陳

宋滅一國 曹

衛滅一國 邢

鄭滅一國 許

蔡滅一國 沈

莒滅一國 鄆

邾滅一國 須句

吳滅二國 徐 巢

越滅一國 吳

狄滅一國

溫

燕有二故一曰北燕邾有二故一曰小邾號亦有二而不稱東西者其時西號已滅矣

楚本號荆國有二名猶之晉曰唐殷曰商也邾至戰國爲鄒鮮虞至戰國爲中山

古者以縣統郡與後世不同故楚人滅國以爲九縣晉趙簡子曰克敵者上大夫受縣下大夫受郡杜氏曰千里百縣縣有四郡

城方丈曰堵堵三爲雉城上女牆曰堞曰陴曰短垣
地有兩名者時來曰邾大丘曰垂句瀆之丘曰穀丘黑
壤曰黃父夷曰城父析曰白羽犖曰檉郟曰拔卷楚曰
斷道沙曰瑣祝其曰夾谷垂葭曰郟氏牽曰脾上梁之
間鄭曰發陽

道六達謂之莊齊城外有之九達謂之遠鄭城內有之
或名達市或名達路或名大達吳晉往來之道曰夷庚
魯東南有五父之衢鄭有周氏之衢衛有馬路之衢

楚人冢前闕曰經皇寢門闕曰室皇大夫亦有寢門傳
曰晉趙盾寢門闕矣臣亦有朝傳曰崔氏之朝

王侯之廟以謚名宮如周平宮桓宮莊宮魯煬宮僖宮
之類是也鄭祖廟曰大宮楚曰大室

諸侯之宮曰公宮天子之宮曰東宮又魯有楚宮晉有
固宮銅鞮之宮虢祁之宮楚有渚宮章華之宮宋有沃
宮鄭有西宮北宮

諸侯之臺晉虎祁之宮說苑作馳底之臺楚有章華之

臺齊有遄臺檀臺衛有靈臺秦亦有靈臺按列國多有

臺晉靈公從臺上彈人季平子登臺而請之類是也

凡列國之城郭井里肆市園池記於左方以備參考

周 城門曰東門

圍門

北門

亦名乾祭

魯

城門曰東門

亦名雩門

南門

亦名稷門

上東門

東城北門

鹿門

南城東門

北門

郭門曰萊門

子駒之門

城內有社圃

桐汝之間

外有蒲圃

晉 有桃園

齊

城門曰東門

亦名東閭

西門

亦名揚門

北門

稷門

鹿門 雍門

城中有魚里 外有申池

秦

城門曰東門

楚

城門曰西門 北門

城中有蒲胥之市

宋

城門曰揚門

正東

盧門

東南

桐門

北

南門

西

門 曹門 蒙門 澤門 有舊墉桑林之門

城內有南里

衛城門曰東門 南門 西門 北門 閔門 郭

門 曰蓋獲之門

城內有藉圃

鄭城門曰東門 南門 北門 舊北門 渠門

皇門 鄆門 墓門 師之梁 時門 閨門

外郭門曰純門 遠郊門曰桔秩之門

城中有襄庫 羊肆 城中之里曰中分 城外

有南里

陳 城門曰栗門

許 城門曰東門

邾 城門曰魚門 郭門曰范門

絞 城門曰南門 北門

爾雅曰梁莫大于澳梁又曰梁山晉望也

魯有大野傳曰西狩于大野宋有孟諸傳曰孟諸之麋
楚有雲夢傳曰楚子田江南之夢又曰涉睢濟江入于

雲中鄭有圃田傳曰鄭之有原圃猶秦之有具圃大野諸名亦皆爾雅釋地文也

姓氏今不復別按天子賜姓命氏諸侯命族族者氏之別名也姓以繫百世使不別氏以別子孫所自出舜之媯禹之姁伯夷之姜是因生賜姓也舜曰虞禹曰夏伯夷曰呂是胙土命氏也叔牙季友則以字矣宋戴衛齊則以謚矣司徒司馬則以官矣趙魏范韓則以邑矣蓋天子既命之曰齊魯侯業已胙土命氏而諸侯位卑無

土可分故不命氏而命族久之則族亦氏也但不敢賜姓耳姓繫百世如周之支庶皆守姬姓其曰魯衛毛聃之名則子孫所別也謂之氏矣

胙土命氏據封諸侯然耳亦有王臣不封者王亦或賜之族與諸侯之臣無異春秋尹氏武氏是已諸侯之臣卿乃得賜族蓋位登其極理合建家無駭卿也故翬請之有德薄未足建家則雖卿亦不賜族翬挾溺柔其後無聞未得族也國語稱黃帝之子二十五人其得姓者

十二人天子之子不盡得姓諸侯之臣豈盡得族哉其士會之帑處秦者爲劉氏伍員之子在齊爲王孫氏如此之類非盡君賜子孫繁衍其流至于萬姓是又當別論也

晉侯名周衛侯名鄭陳侯名吳衛侯名晉魯侯名宋皆以國爲名者也或曰不以國謂不以本國耳

婦人國下繫姓示不忘本且別他族齊姜衛姬葛嬴宋子之類是也有字下繫姓者齊女曰孟姜季姜宋女曰

孟子仲子是也有謚下繫姓者莊姜聲子懷嬴文芊是也姬爲周姓故王室及同姓之女皆曰某姬晉平公以同姓之女爲嬪御故子產曰內有四姬後世不知遂以爲侍妾之稱國策言幸姬如姬漢書言諸姬愛姬不辨爲周姓矣惟娣妣之妣不以禹姓爾雅曰長婦謂稚婦爲娣婦娣婦謂長婦爲妣婦則自古已然

婦人有名有字婚禮納采問名公羊傳笄而字之如宋元之母曰棄齊景之妃曰重是其名也伯姬叔姬伯叔

是其字也

匹配曰妃名通適妾故陳哀公有元妃二妃下妃魯惠公亦有元妃孟子元之一字兼始適二義故杜曰始適夫人若始而非適而非始皆不得稱元孟任哀姜是已妃字則無尊卑之異雖大夫亦稱之禮曰以某妃配某氏是也其尊卑殊稱詳於曲禮天子曰后諸侯曰夫人大夫曰孺人士曰婦人庶人曰妻

諸侯元妃既死禮無重娶之義而以元妃之姪娣爲繼

室故惠公繼室以聲子晉侯請繼室於齊是也大夫亦然傳曰臧宣叔娶於鑄而死繼室以其姪

周諸王妃

平王

宜白

桓王

琳

紀季姜

王后桓公九年逆

莊王

佗

王姚

王妾生子顏

僖王

胡齊

惠王

闕

陳嬀

王后生襄王及王子帶

襄王鄭

隗氏
王后
狄女

頃王

臣壬

匡王

班

定王

喻

姜氏

王后宣公
六年逆

簡王

夷

靈王

泄心

姜氏

王后襄公
十五年逆

景王

貴

穆后

王后生
大子壽

敬王

丐

魯諸公妃

惠公

孟子

夫人

聲子

繼室生
隱公

仲子

再娶夫人
生桓公

隱公

姑息

未詳

桓公

軌一允

文姜

夫人
莊公十四歲即位
及季友

莊公

同

哀姜

夫人

叔姜

生閔公

孟任

生子般

成風

生僖公

公

閔公

方啟

未娶

僖公

申

聲姜

夫人
文公生

文公興

出姜

夫人視

敬嬴

生宣公

宣公

接一倭名

穆姜

夫人生成公及宋伯姬

杜氏曰計公

何氏也宣元年娶穆姜成二年公衛為質公

衛成公子也如成公為穆姜所生未得有長

成公

黑肱

齊姜

夫人

定姒

生襄公四

襄公

午

敬歸

生子

齊歸

生昭公二

昭公

稠

孟子

夫人

定公

宋

定姒

夫人

哀公

蔣公子荆之母
娶未詳何氏

晉妃

齊姜

本武公妾獻公燕之
生秦穆姬及申生

賈君
獻夫

狐姬
生文

小戎子

生惠

驪姬
生奚齊其姊
卓子以上獻妃

梁嬴
惠公妻
生懷公

文嬴
文夫

偁姑
文妃
二生襄公

季隗
班在三生
伯儵叔劉

杜祁

班在四
生雍

辰嬴
即懷嬴
九人生樂

姜氏
以上俱
文妃

穆嬴
襄夫

靈公

悼夫人
杞女生

少姜
平公
寵妾

衛姬
平公
妾

齊妃

王姬

襄夫人

衛姬

僖公之寵

王姬

徐嬴

蔡姬

以上

三人桓夫人

共姬

即長衛姬

少衛姬

生惠

鄭姬

生孝

葛嬴

生昭

密姬

生懿

宋華子

生子雍以上

子

叔姬

昭夫人

蕭同叔子

惠妃

聲孟子

頃夫人

顏懿姬

靈夫人

駸聲姬

生莊

仲子

生牙

戎子

穆孟

姬

生景公以

燕姬

景夫人

鶯姒

生茶

胡姬

重

以上景妃

季姬

悼夫人

秦妃

穆姬

穆夫人
公及公子弘

楚妃

鄧曼

武夫人

息媯

文夫人
堵敖成王

秦嬴

共夫人

巴姬

共王妾

鄭封人女

平夫人
建

秦嬴

平納建之
婦生昭公

越女

昭妃
惠王生

宋妃

共姬

共夫人
生平公

弃

平妃
元公生

景曹

元夫
人

衛妃

莊姜

莊夫人

厲媯

生孝
伯

戴媯

生桓公
上 俱莊妃

夷姜

莊妾
宣公

急子

宣姜

宣公納急子之妻爲夫人，生壽及惠公。

夫人許穆

定姜

定夫

敬妣

定妾生

宣姜

襄夫

媯

始襄嬖生孟
繁及靈公

南子

靈夫

呂姜

莊夫

夏戊女

出夫

鄭妃

武姜

武夫人生

鄧曼

莊夫人

雍姑

莊妃生厲

陳

媯

子儀妃文公報
之生子華子臧

文芊

文夫

姜氏

江女生子

蘇女

生子報
俞彌

燕姑

生穆公以
上文妃

宋子

穆妃生子
然子孔

圭

媯

穆妃生
士子孔

姚子

穆妃生靈
公夏姬

陳妃

鄭姬

哀元妃
生偃師

二妃

生留

下妃

生勝

邾妃

齊姜

文元妃
生定公

晉姬

文二妃
生捷菑

諡法起于周前此未有也卒哭而諱將葬而諡周人以諱事神故諱則有諡白虎通言生有爵死有諡謂君卿大夫同也春秋之世吳越之君無諡闔廬勾踐是已秦楚宋鄭之卿無諡孟明子文華元子產是已晉衛之大

夫無諡羊舌肸遽瑗是已

布德執義曰穆名與實爽曰繆秦伯任好三納晉君遂
霸西戎宜稱穆矣而諸家謂其殺三良以殉故諡曰繆
夫葬穆者康公也豈有故從其亂命而加以惡諡乎

靈惡諡也春秋被弑之君如晉之夷臯陳之平國鄭之
夷楚之虔咸諡曰靈楚成王諡靈不瞑共王曰爲靈若
厲其爲惡諡也明矣然史稱周之東也王綱不振追靈
王周道始昌諸侯服從故左氏曰靈王生而有頡王甚

神聖無惡于諸侯克終其世又似非惡諡也

楚世家言熊通自立爲楚武王則非諡法然恐亦臨文遷就之辭耳如周公謂伯禽曰我文王之子武王之弟成王之叔父伍子胥曰報爾平王當時周成楚平固在也史筆往往如此左氏亦有誤用者陳桓公方有寵於王惟一處而已

春秋諡有三字者衛之貞惠文子也有生賜者衛侯之於北宮貞子析朱成子也有出奔而仍得諡者臧武仲

中行文子也有作亂被誅而仍得諡者崔武子樂懷子也

婦人無諡諡從其夫而已晉文嬴衛宣姜莊姜宋共姬秦穆姬之類是也亦有與夫異諡者如景之穆后桓之文姜莊之哀姜惠之繼室聲子成之妾定妣又不盡然卿之內子或亦殊諡孟穆伯之戴已聲已是也

晉文公從亡之臣見於傳者狐偃趙衰顛頡魏犢胥臣狐毛賈佗介之推凡八人鄭叔詹曰有三士足以上人

國語宋公孫固曰晉公子父事狐偃師事趙衰長事賈佗又說苑介子推懸書云五蛇從之左傳叔向曰有士五人諸說互異未詳所指

傳曰驪姬之亂詛無畜羣公子故文公子雍在秦樂在陳黑臀在周襄公之孫談在周蓋諸子悉出他國懲驪姬之亂也雖成公復立公族而顯者亦少是後見于傳者惟揚干及愁耳昭十八年鄭人救火辭晉公子公孫于東門外是公族猶多在他國也

晉卿十一族韓魏趙孤胥先郤欒范中行知也賈季奔狄而孤氏廢胥克有疾而胥氏廢先穀得罪而先氏廢欒郤廢趙而趙復興欒氏譖殺三郤而郤氏廢范宣子逐欒盈而欒氏廢知趙魏韓逐范中行氏而趙魏韓復共滅知伯是後遂爲三晉矣

韓氏 其先與周同姓或曰韓萬曲沃莊伯之弟也晉獻封萬于韓原以爲韓氏宣十二年景公以韓厥爲司馬成三年晉作六軍使厥將新中軍賞鞍之功也十三

年將下軍十八年繼樂書爲政將中軍襄七年告老長子無忌有廢疾不得立讓于弟韓起使無忌掌公族大夫起佐上軍知營稟厥以爲政而悼公復霸昭二年起將中軍聘于魯觀書于大史氏曰周禮盡在魯矣十三年會于平丘二十八年卒定十三年韓不信同逐范中行氏不信之孫滅知伯再傳而侯侯六世而王王四世而秦滅之

魏氏 其先畢公高之後也武王封弟高于畢以畢爲

姓其裔孫畢萬事晉晉獻公滅魏以封之卜偃曰其後必大萬盈數也魏大名也魏犢從亡文公以爲戎右成十八年悼公即位以呂相魏頡爲卿以魏絳爲司馬襄三年絳佐新軍和諸戎十一年而有蕭魚之會公曰八年之中九合諸侯子之力也賜絳金石之樂十三年佐下軍十八年將之平公世也昭之五年魏舒佐上軍二十八年晉滅祁羊舌氏舒遂爲政將中軍頃公十二年也定元年城成周卒十三年曼多同遂范中行氏後其

子豹與韓趙共滅知伯傳斯而爲列侯侯之孫稱王
六世而秦滅之

趙氏 其先與秦同祖至造父爲周穆王御賜以趙城
因以爲姓七世孫叔帶去周事晉又五世而趙夙爲獻
公戎御賜之耿驪姬之難趙衰從重耳出亡文公反國
以爲原大夫僖二十七年晉作三軍欲以爲卿趙衰辭
三十一年晉作五軍衰將新上軍始爲卿文二年襄公
使佐中軍五年卒六年趙盾將中軍立靈公使趙穿爲

散卿宣二年公無道穿弑之大史書曰趙盾弑其君盾以趙括爲公族大夫盾卒趙朔嗣立宣八年佐下軍十二年將之以括及趙嬰爲中軍大夫趙同爲下軍大夫成三年景公作六軍括佐新中軍趙旃佐新下軍嬰通於莊姬同括放之姬譖殺同括既景公用韓厥之言而立趙武焉悼公立以爲卿佐新軍襄九年將之十二年將上軍二十五年將中軍相平公以爲政傳曰再合諸侯三合大夫服齊狄寧東夏平秦亂城淳于皆武之力

也武退然如不勝衣其言訥訥然如不出諸口所舉於
晉國管庫之士七十有餘家生不交利死不屬其子焉
昭元年卒五年趙成佐中軍二十五年趙鞅合諸侯於
黃父明年納敬王定十三年范中行攻鞅奔晉陽於是
知韓魏氏共逐范中行氏而反鞅哀二十年子無恤嗣
無恤與韓魏滅知伯其後侯者六世王者六世而秦卒
滅之

狐氏 其先本唐叔之後別在戎狄爲狐氏獻公娶二

女於戎大戎狐姬生文公狐突以姬故事晉爲大夫閔
二年申生伐東山突爲戎御二子狐毛狐偃從文公出
亡懷公立召毛偃不至殺狐突及文公得國僖二十七
年使毛將上軍偃佐之明年敗楚於城濮文六年襄公
蒐于夷使狐射姑將中軍趙盾爲佐陽處父改蒐而易
之以射姑佐趙孟射姑怒及襄公卒射姑將迎公子樂
于陳而立之趙盾不從殺公子樂于郟故射姑殺處父
而奔狄狐氏亡

胥氏 胥臣食邑於白曰白季從文公出奔及反國使
佐下軍文五年臣卒十二年趙盾使胥甲佐下軍宣元
年放甲而立胥克八年克有蠱疾卻缺廢之胥氏亡

先氏 閔二年申生伐東山先友爲右僖二十七年文
公使先軫佐下軍二十八年將中軍上德也敗楚師於
城濮文公爲侯伯軫之功實大焉三十三年敗秦于殽
獲三帥是秋免胄馳狄師而死狄人歸其元面如生襄
公以其子先且居將中軍文五年卒七年先克佐中軍

先蔑將下軍先都佐之初襄公之卒也趙盾使先蔑逆公子雍于秦既而背之故蔑奔秦九年都作亂殺克晉人殺都宣十二年先穀佐中軍邲之戰不用命而敗于楚十三年召赤狄將爲亂景公殺之盡滅其族先氏亡郤氏晉公族也其先食邑于郤因氏焉至郤芮而受采于冀芮事夷吾及文公反國芮及呂甥將焚公宮公如河上秦穆公誘殺呂郤氏廢胥臣過冀見郤缺耨夫婦敬如賓言於文公而使爲下軍大夫僖三十三年

襄公立郤缺獲白狄子命爲卿文十二年將上軍宣八年將中軍廢胥氏十二年郤克佐上軍十三年將之十六年佐中軍十七年將之成二年敗齊于鞏報其笑辱也十三年郤錡佐上軍郤至佐新軍十六年錡將上軍郤犨將新軍錡及至犨皆汰侈號三郤鄆陵之役至進六間之說而勝楚反役欒氏譖三郤而殺之郤氏亡

欒氏 亦公族也晉靖侯孫欒賓食采于欒因以爲氏賓傳曲沃桓叔其子共叔事哀侯僖二十七年文公以

欒枝將下軍文五年卒十二年欒盾將下軍宣十二年
欒書佐下軍成二年將之從郤克以勝齊于鞏四年將
中軍十六年勝楚于鄢陵十八年與中行偃弒厲公而
立悼公以欒黶爲公族大夫襄九年將下軍十六年平
公使欒盈爲公族大夫十八年佐下軍黶汰欒氏多怨
盈又好施士勾畏之二十一年晉逐欒盈合諸侯以錮
之盈入爲亂二十三年克之欒氏亡

范氏 其先陶唐氏裔也在周爲杜伯宣王殺杜伯其

子隰叔奔晉爲士師故爲士氏士爲爲獻公除公族使
爲司空士穀嗣之文六年文公蒐于夷將使穀將中軍
先克不可八年作亂九年殺先克襄公殺穀靈公之立
也士會奔秦既而復之宣十二年將上軍十六年滅赤
狄甲氏留吁鐸辰景公請于王以黻冕命將中軍兼大
傅明年先卻克而請老子士燮佐上軍成十三年將之
十六年佐中軍反自鄢陵祈死而卒十八年悼公使士
魴爲卿士渥濁爲大傅襄九年士匄佐中軍十三年魴

率將使白將中軍讓於中行偃十九年將之二十三年
克樂氏昭五年士鞅將下軍定元年將中軍十三年士
吉射與中行寅作亂晉卿共逐之奔朝歌哀五年奔齊
范氏亡

中行氏 本荀氏也荀林父將中行故爲中行氏文七
年佐上軍十二年佐中軍宣十二年將之敗于邲林父
請死景公使復其位成十三年荀庚佐中軍十六年荀
偃佐上軍襄九年將之十三年將中軍十四年伐秦十

八年合諸侯同圍齊明年未至而卒昭元年荀吳將上
軍敗無終及羣狄十二年滅肥二十二年滅鼓二十九年
荀寅爲下卿定公十三年與范氏作亂晉逐之中行氏
亡

知氏 亦荀氏也與中行氏同宗荀首食采于知故別
稱知氏宣十二年首爲下軍大夫十三年佐上軍十七
年佐中軍初楚之敗晉于邲也楚人囚知罃及首佐中
軍乃以公子穀臣及襄老之尸易罃而歸之成十三年

營佐下軍襄九年將中軍輔悼公以爲政明於戰陣之
法三駕伐鄭遂復霸業營之力也十三年卒昭五年荀
盈佐下軍九年荀躒嗣之定十三年與韓魏趙共逐范
中行氏其子荀瑤求地于三晉故三晉共滅之在春秋
後知氏亡

魯三桓孟孫叔孫季孫也慶父欲竊君位叔牙黨之季
友酖叔牙而立叔孫氏慶父縊而魯立孟孫氏友獲莒
挈而立季孫氏此三桓之始也

季孫氏 自季友獲挈賜田而手文嘉名公輔上卿之
兆始應至文子縱遂殺適而魯君失政武子專國而政
逮大夫歷悼子平子而昭公見逐桓子嗣立而陽虎作
亂康子奪適季氏漸衰原其初本以忠良之心除慶父
而安魯國其後驕恣專國而家臣又專其家天之報施
豈誣也哉

叔孫氏 僖四年戴伯侵陳爲叔孫之始其子莊叔嗣
之而惠伯別爲叔仲氏莊叔黨遂殺適而惠伯死節穆

叔則詛三軍以彊公昭子則憂國而祈死成子繼之數年而卒叔牙之後有四善人皆不得志而莊叔弒君之子僑如通君之母豎牛餓父武叔毀聖亦足以報叔牙矣

孟孫氏 僖十五年公孫敖救徐而孟氏始至獻子之子它而別爲子服氏其中文伯賢而死于父先惠叔孝而無後二子知禮而譖死雖以獻子之德莊子之孝僖子之講禮懿子之師聖而穆伯好色幾墜宗祀孝伯黜

適以亂綱常其未免慶父之餘孽與

春秋有兩蔡侯申一爲文公一爲昭公僅四世而同名
必有一誤也有兩壽夢一爲勾吳之君一爲於越之大
夫有兩庶其一爲莒子一爲邾婁之臣有兩子羽一爲
鄭行人一爲衛行人有兩石乞一爲衛人殺子路一爲
楚人事白公又如介子推晉臣也而又有行年十五而
相判者見說苑宛春楚行人也而又有進諫于衛靈公
者見呂覽晉咎犯事文公者也而又有爲平公叅治國

政者見說苑吳公子慶忌夫差之子也而又有王僚之
子爲要離所刺者見吳越春秋管子書載齊桓公之臣
弦章說苑又載景公之臣弦章且傳中范宣子士匄士
鞅之父也而士匄相士鞅又見于昭公之六年按杜注
即士文伯豈與宣子乃同名哉然漢書古今人表復有
兩士鞅一在中上一在中下相去不遠殆不可曉

春秋經用周正而傳或叅以夏時以經爲孔子所筆削
而傳則旁採傳記也周禮烝以仲冬而魯烝以正月時

王之正月也定之方中夏之十月周之十二月而城楚丘乃書于來年之正月紀其成也何以見傳之參以夏時也四月取麥秋取禾是夏時矣穀鄧來朝經書夏傳記以春亦用夏時也而正月朔日南至傳顧以周正說傳亦何常之有若以孔子欲行夏時而遂謂春秋之經亦用夏正則二月無冰十月大雪又何必以異書哉抑又考之晉人城杞師曠曰會于承匡之歲於今七十三年然自文十一年正月至襄三十年二月癸未實七十

四年則與曠說違以長歷計之文十一年之三月乃甲子朔實夏之正月而合七十三年之數晉固用夏正矣左氏或據晉史不能盡革故十二月申生縊經書明年春十一月殺卓子經書明年正月冬殺平鄭經書明年春經傳互異而杜氏每曰從赴夫赴必稱日月豈能更乎諸儒紛紛殊爲無稽

周歷

春正月建子

日南至
土功畢

殷十二月夏十一月

二月

建丑

日在北陸藏冰

殷正月

夏十二月

三月

建寅

啓蟄而郊

殷二月

夏春正月

夏四月建卯

日在降婁

殷三月

夏二月

五月

建辰

日在西陸出
水在昏見

殷四月

夏三月

六月

建巳

龍晨見東
方而雩

殷五月

夏四月

秋七月建午

殷六月

夏五月

八月建未

殷七月

夏六月

九月建申

殷八月

夏七月

冬十月建酉

始殷而嘗

殷九月 夏八月

十一月建戌

日在心龍農見東方土功戒事

殷十月 夏九月

十二月建亥

火農見土功致用閉蟄而烝水昏正土功裁

殷十一月 夏十月

分野之說古人每詳言之周禮保章之職既難考論而見於左氏內外傳者猶可類推也武王克商歲在鶉火故伶州鳩曰歲之所在我周之分野也則鶉火爲周分矣晉文即位歲受寶沈故董因曰晉人是居則寶沈爲晉分矣襄二十八年歲淫玄枵禍衝于鳥尾周楚惡之

則鶉尾爲楚分矣昭十七年星見大辰梓慎知宋鄭之災曰宋大辰之虛也則大火爲宋分矣獨其說有可疑者星紀北而吳越南井鬼南而秦居西虛危在北齊表東海降婁屬西魯宅曲阜或以受封之始歲星所在爲說然有絕而復續者封日既異前星又豈可據乎夫春秋戰國地域變遷三晉未分晉當何區秦拔西河魏當何屬周末東遷何故已直鶉火陳滅于楚何自而入韓分且中國幾何蠻夷戎狄豈日星所不臨哉天道在

西北而晉不害越得歲而吳受其凶皆以歲星所在言之也然豕韋實衛晉何以吉吳越同野吳何以凶衛既水屬何故與宋陳鄭同火而禘竈先知之且顛頊之虛姜氏任氏實守其祀是又齊薛之分矣此皆不可曉者前哲要自有見也

星名

龍 角亢也傳曰龍見而雩龍見而畢務

天根 氐也外傳曰天根見而水涸

天駟 房也外傳曰月在天駟

大辰 心也傳曰星孛大辰

大火 心也傳曰心爲大火火伏而後蟄者畢

龍尾 尾也傳曰龍尾伏辰

天策 傳說星也傳曰天策焯焯

析木之津 箕斗間也傳曰今在析木之津

星紀 斗牽牛也傳曰歲在星紀

婺女 須女也傳曰星出婺女

玄枵 虛危也傳曰淫于玄枵

天竈 虛危也外傳曰星在天竈

蛇 虛也傳曰蛇乘龍

顓頊之虛 虛也傳曰歲在顓頊之虛

北陸 虛危也傳曰日在北陸而藏冰

大水 營室也傳曰其星爲大水

娵訾之口 室壁也傳曰歲在娵訾之口

豕韋 室壁也傳曰歲在豕韋

降婁 奎婁也傳曰降婁中而旦

大梁 昴畢也傳曰歲及大梁

西陸 昴畢也傳曰西陸朝覲而出之

實沈 參也傳曰實沈主參

味 柳也傳曰味爲鶉火

鶉火 柳星張也傳曰鶉之賁賁

鳥帑 翼軫也傳曰以害鳥帑

北斗 紫微垣附近星也傳曰星孛入于北斗

歲

歲星也

漢

天漢也傳曰西及漢

字

妖星也

彗

妖星也傳曰齊有彗星

易說變卦起于左氏如鄭伯廖論曼滿自豐上六變爲
離晉師救鄭自師初六變爲臨子產論楚自復上六變
爲頤蔡墨論龍見自乾初九變爲姤之類其說皆指一
爻以立論耳若筮法則諸爻變動原無一定乃左氏所

載悉不出一爻之變敬仲之觀六四變否畢萬之屯初九變比季友之大有六五變乾伯姬之歸妹上六變睽卜偃之大有九三變睽棠姜之困六三變大過穆子之明夷初九變謙媯始之屯初九變比南蒯之坤六五變比晉救鄭之泰六五變需此十事更無變重爻者惟晉之遇復以全卦言而魯之艮之隨以六二不變爻取義豈春秋二百餘年遂無遇兩爻以上之變卦耶左氏失誣此可見之

左傳引尚書以禹謨作夏書僖二十四年地平天成文
七年戒之用休襄三年成允成功二十六年與其殺不
辜哀十八年官占惟能蔽志皆大禹謨也臯陶謨亦作
夏書莊八年臯陶邁種德臯陶謨也此二篇今實虞書
以太甲作夏書昭十年欲敗度太甲篇也今實商書以
洪範作商書文五年沈潛剛克襄三年無偏無黨皆洪
範也今實周書雖古今叙書或有不同而太甲之爲夏
書更不可解杜氏釋傳往往以書辭爲逸書則未見古

文故也

春秋賦詩斷章未必合於本詩之義皆取一章一句以寄意也左氏引詩以斷章義亦倣此其許穆夫人之賦載馳鄭人之賦清人秦人之賦黃鳥則作詩之始也

僖公之時周王巡狩至于岱宗季孫行父爲之請于周太史克作頌故詩有魯頌惟僖公而已

逸詩

翹翹車乘招我以弓豈不欲往畏我友朋
我無所監

夏后及商用亂之故民卒流亡 俟河之清人壽幾何
兆云詢多職競作羅 雖有絲麻無棄管蒯雖有姬姜
無棄蕉萃凡百君子莫不代價 周道挺挺我心局局
講事不令集人來定 何以恤我我其收之 禮義不
愆何恤于人言 淑慎爾止無載爾僞 我之懷矣自
詒伊感

子貢詩傳曰穆王西征祭公述民怨以諫作圻招是亦
逸詩也祈招之惜惜式昭德音思我王度式如玉式如

金形民之力而無醉飽之心

狐裘尨茸一國三公吾誰適從晉士蔦所作詩也

國子賦轡之柔矣逸詩也汲冢周書錄其辭曰馬之剛矣轡之柔矣馬亦不剛轡亦不柔志氣麇麇取與不疑

河水

僖二十三年
晉重耳所賦

茅鷁

襄二十八年
穆叔以諷慶封

新宮

昭二十五年
宋公賦者

右皆逸詩有篇名而逸其辭者如白華南陔之類也

歌

濟洹之水贈我以瓊瑰歸乎歸乎瓊瑰盈吾懷乎

聲伯夢歌

我有圃生之杞乎從我者子乎去我者鄙乎倍其鄰者

恥乎已乎已乎非吾黨之士乎

鄉人歌南蒯

既定爾婁豬

盍歸吾艾豸

野人歌南子

景公死乎不與埋三軍之士乎

不與謀師乎師乎何黨之乎

萊人歌

魯人之臯數年不

覺使我高蹈唯其儒書以爲二國憂

齊人歌

佩玉繁兮

余無所繫之旨酒一盛兮余與褐之父睨之

申叔乞糧云云傳亦

不言

言

睥其目皤其腹棄甲而復于思于思棄甲復來

宋城者諷

牛則有皮犀兕尚多棄甲則那

駢乘

從其有皮丹漆若

何

役人

澤門之哲實興我役邑中之黔實慰我心

宋築者諷

誦

原田每每舍其舊而新是謀

晉興人

臧之狐裘敗我於

狐駘我君小子朱儒是使朱儒朱儒使我敗於邾

魯人

取我衣冠而褚之取我田疇而伍之孰殺子產吾其與
之 我有子弟子產誨之我有田疇子產殖之子產而
死誰其嗣之

鄭人誦子
產二章

謠

丙之晨龍尾伏辰均服振振取號之旂鶉之賁賁天策
焯焯火中成軍號公其奔

晉伐
號謠

鸛之鶴之公出辱之

鸛鶴之羽公在外野往饋之馬鸛鶴踈踈公在乾侯徵
褰與襦鸛鶴之巢遠哉遙遙稠父喪勞宋父以驕鸛鶴

鸛鶴往歌來哭

魯童謠

銘

余掖殺國子莫余敢止

禮至銘

一命而僂再命而偃三

命而俯循牆而走亦莫余敢侮餽於是粥於是以餬余

口

正考父鼎銘

昧旦平顯後世猶怠

譏鼎銘

箴

芒芒禹跡畫爲九州經啓九道民有寢廟獸有茂草各有攸處德用不擾在帝夷羿冒于原獸忘其國恤而思

其靡壯武不可重用不恢于夏家獸臣司原敢告僕夫

虞人

民生在勤勤則不匱

楚箴

繇詞

鳳皇于飛和鳴鏘鏘有媯之後將育於姜五世其昌並
於正卿八世之後莫之與京懿氏專之渝攘公之瑜一

薰一猶十年尚猶有臭

晉獻公

兆如山陵有夫出征而

喪其雄

衛孫文子

其名曰友在公之右間于兩社爲公室

輔季氏亡則魯不昌

楚丘父卜成季

是謂沈陽可以興兵利

以伐姜不利子商

鄭晉救

如魚窺尾衡流而方羊裔焉

大國滅之將亡闔門塞竇乃自後踰

衛卜夢以
上卜詞

士刳羊亦無益也女承筐亦無貺也西鄰責言不可償

也歸妹之睽猶無相也震之離亦離之震爲雷爲火爲

羸敗姬車說其輓火焚其旗不利行師敗於宗丘歸妹

睽孤寇張之弧姪其從姑六年其逋逃歸其國而棄其

家明年其死於高梁之虛

晉嫁
伯姬

南國蹙射其元王中

厥目

晉伐
莒

千乘三去三去之餘獲其雄狐

秦伐
晉

同

復于父敬如君所

魯莒成季
以上莒詞

雜詞

有酒如淮有肉如坻寡君中此爲諸侯師

晉中行
穆子

有

酒如澠有肉如陵寡人中此與君代興

齊景公右
投壺詞

登此昆吾之虛縣縣生之瓜余爲渾良夫叫天無辜

衛侯

渾良夫
課

諺古人之
言附

山有木工則度之賓有禮主則擇之 匹夫無罪懷璧

其罪 心苟無瑕何恤乎無家 輔車相倚唇亡齒寒

心則不競何憚於病 庇焉而縱尋斧焉 畏首畏

尾身其餘幾 鹿死不擇音 雖鞭之長不及馬腹

高下在心川澤納汙山藪藏疾瑾瑜匿瑕國君含垢

民之多幸國之不幸也 殺老牛莫之敢尸 非宅是

卜惟鄰是卜 雖有挈餅之知守不假器 其父析薪

其子弗克負荷 室于怒市于色 臣一主二 無過

亂門 嫠不恤其緯而憂宗周之隕爲將及焉 唯食

忘憂 民保于信 無穢虐士 飛矢在上走驛在下

誄

昊天不弔不憇遺一老俾屏余一人以在位斃斃余在

疚嗚呼哀哉尼父無自律

哀公誄孔子

仲尼一誄諸書互見不同禮檀弓云天不遺者老莫相
余位焉嗚呼哀哉尼父五行志云昊天不弔不憇遺一
老俾屏余一人惟世家與左傳同

策命

舅氏余嘉乃勲應乃懿德謂督不忘往踐乃職無逆朕

命

襄王命
管仲

王謂叔父敬服王命以綏四國糾遯王慝

襄王命
晉文公

昔伯舅太公右我先王股肱周室師保萬民

世祚大師以表東海王室之不壞繫伯舅是賴今余命

女環茲率舅氏之典纂乃祖考無忝乃舊敬之哉無廢

朕命

靈王賜命
齊靈公

叔父陟恪在我先王之左右以佐事

上帝余敢忘高圉亞圉

景王追命
衛襄公

盟辭

渝盟無享國

魯鄭結
妨成

皆獎王室無相害也有渝此盟

明神殛之俾隊其師無克祚國及而玄孫無有老幼

晉文

公盟
踐土

天禍衛國君臣不協以及此憂也今天誘其衷

使皆降心以相從也不有居者誰守社稷不有行者誰

扞牧圉不協之故用昭乞盟于爾大神以誘天衷自今

日以往既盟之後行者無保其力居者無懼其罪有渝

此盟以相及也明神先君是糾是殛

衛人盟
宛濮

恤病討

貳

晉盟
清丘

我無爾詐爾無我虞

楚平
宋

凡晉楚無相加

戎好惡同之同恤菑危備救凶患若有害楚則晉伐之
在晉楚亦如之交贄往來道路無壅謀其不協而討不
庭有渝此盟明神殛之俾隊其師無克祚國

晉楚盟于宋

凡我同盟毋蓋年毋壅利毋保姦毋留慝救災患恤禍
亂同好惡獎王室或閒茲命司慎司盟名山名川羣神
羣祀先王先公七姓十二國之祖明神殛之俾失其民
隊命亡氏蹈其國家

晉悼公盟亳

同討不庭

晉平公盟浹梁

戮

力壹心好惡同之信罪之有無繼繼從公無通外內

昭公

盟從者

踐土之盟曰各復舊職平丘之盟曰無或失職黃池之盟曰好惡同之雖不見本年而互見諸篇若葵丘之五命則詳於孟子

禱辭

齊環怙恃其險負其衆庶棄好背盟陵虐神主曾臣彪將率諸侯以討焉其官臣偃實先後之苟捷有功無作神羞官臣偃無敢復濟唯爾有神裁之

晉荀偃伐齊濟河

曾

孫蒯曠敢昭告皇祖文王烈祖康叔文祖襄公鄭勝亂
從晉午在難不能治亂使鞅討之蒯曠不敢自佚備持
矛焉敢告無絕筋無折骨無面傷以集大事無作三祖

羞大命不敢請佩玉不敢愛

衛天子
戰鐵

誓辭

范氏中行氏反易天明斬艾百姓欲擅晉國而滅其君
寡君恃鄭而保焉今鄭爲不道棄君助臣二三子順天
明從君命經德義除詬恥在此行也克敵者上大夫受

縣下大夫受郡士田十萬庶人工商遂人臣隸圉免志
父無罪君實圖之若其有罪絞縊以戮桐棺三寸不設
屬辟素車樸馬無入于兆下卿之罰也趙簡子
鐵戰
凡誓辭稱有如日有如河有如皦日有如白水有若大
川皆取心之明白也有如上帝有如先君言上帝先君
之見其心也

軍志古書也其辭曰先人有奪人之心後人有待其衰

凡二見

宣十二昭
二十一

又曰允當則歸

僖二
十八

鄭書古書也或曰鄭史其辭曰安定國家必先

襄三

十

又曰惡直醜正實蕃有徒

昭二
十八

呼庚癸呼餘皇麥麴河魚皆軍中隱語也

虞殯送葬之歌也見哀公十一年挽歌不始於田橫之客矣

左氏字義謂止戈爲武反正爲乏皿蟲爲蠱今人所知也亥有二首六身今人不知也

用字之異者宋公靳之

戲而相愧曰靳

繩息媯

繩譽也

猶懼不說

既至也

見孟任從之闕

闕不從也

既合而來奔

合答也

楚人憇之

脫扃

憇教也

以蕨陳事

蕨教也

屈蕩尸之

尸止也

方震大叔

震懷

胎則朝而塌

塌下棺也

子無我廷

廷恐也

楚師燔滅

燔火也

鑿而乘

于他車

鑿一足行也

弄馬之故隱君身

隱憂也

憇閒王室

憇毒也

咋謂林楚

咋暫也或曰大聲

雨不克襄事

襄成也

是甕言也

甕謬也遇

也君將設之

設嘔吐也

以上叛下亦曰叛王叛王孫蘇是也男子喪妻亦曰寡

崔杼生成及彊而寡是也男亦曰媵以并伯媵秦穆姬是也至公羊謂昭公欲弑季氏則以上殺下亦可曰弑矣

雪曰雨雪螽曰雨螽凡自上下者皆曰雨

十月爲良月傳曰就盈數焉

胡耆壽也七十曰耆九十曰耄

少君猶小君也

上曰烝下曰淫旁曰通季父之妻曰報易妻曰通室

在牀曰尸在棺曰柩

見曲禮

車馬曰賄貨財曰賻衣被曰

襚

見公羊

貝玉曰含

見穀梁

野饋曰餼弔亡曰唁

遽傳駟皆今驛也文十六年楚子乘駟成五年以傳告伯宗昭二年乘遽而至

師曰簡馬牛曰索皆言精也

遺人以物曰問問子貢以弓問弦多以琴

私旋皆小便也傳曰夷射姑旋焉師慧將私焉

淖澁皆泥也傳曰有淖於前馬還澁

刑名

輶車裂

輶高渠彌

刑足斷

刑強鉏又曰鬻拳自刑刑者之屨曰踊

梏手械

關射師諫執而梏之

囚

囚聃伯又曰管仲請囚

圜也亦囚

圜伯嬴

鞭

貫耳

鞭七人貫三人耳

尸

磔

膊

亦磔也

扶擊

也

以扑扶職

繫

拘也

南冠而縶

醢

齊人醢夙沙衛衛人醢子路古極刑也

劓

後者劓

馘

割耳

炮燔

炮卻宛

敲

奪之杖以敲之

蔡

流也

殺管叔而蔡蔡叔

亨

烹同

亨石乞

軍獲曰俘毒死曰醜自經曰縊餓死曰殣勿曰自到壹擊而死曰殪不以壽終曰鮮弗良死曰強死祈死者士燮叔孫婁不瞑者楚成王晉荀偃

楚文王有僕區之法晉丹書以著罪鄭子產鑄刑書鄧

折爲竹刑今有鄧析子書

陳名

魚麗之陳鄭莊公禦王也有右拒左拒中軍先偏後伍
伍承彌縫

荆尸楚陳名也武王伐隨爲之莊王因之軍行右轅左
追蓐前茅慮無中權後勁君之戎分爲二廣廣有一卒
卒偏之兩

宗卒中行穆子敗羣狄也五乘爲三伍爲伍乘以相離

兩於前伍於後專爲右角參爲左角偏爲前拒

伐衛之陳齊莊公作也有先驅申驅貳廣啓肱大殿

楚田獵之陳宋公爲右孟鄭伯爲左孟

鄭翩爲鶴其御爲鶩越子句卒衛支離之卒皆陳名也
覆伏兵也衷中也衡陳橫也簡師精也羸師弱也

凡步曰卒車曰乘古者兵車一乘甲士三人卒七十二
人自荀吳毀車爲行始用步戰然魏舒曰彼徒我車是
狄先用卒矣隱之九年北戎侵鄭鄭伯曰彼徒我車是

戎又更先用卒矣

服牛乘馬以駕車古無單乘者故古書無騎字左師展將以昭公乘馬而歸蓋單騎之漸

襄公二十四年楚子以舟師伐吳此水戰之始至哀公十年吳徐承帥舟師將自海入齊又海舟之始也

拜賜之師遷延之役汎舟之役皆當日所名也

曲禮約信曰誓涖牲曰盟盟者要言以昭神也凡合諸侯者必割牛耳取其血歃之以盟敦以盛血盤以盛耳

讀其載書以次乃歃既歃乃坎牲加書而埋之其盟神則無復定限故襄十一年傳稱司慎司盟名山名川羣神羣祀先王先公七姓十二國之祖也其歃必取血及耳以手執玉敦之血進之於口定八年拔衛侯之手及腕襄九年口血未乾是也

盟用牛耳卑者執之尊者涖之故鄭澤之盟衛侯請執牛耳發陽之役衛石魃蒙之盟魯孟武伯皆小國執牛耳也唯鄆衍之役吳以大國執之不合盟禮故孟彘不

從

凡盟牲用牛而莊三十二年孟任割臂盟公定四年割
子期之心哀十五年輿豸從之十六年輿豸從己是倉
卒又不必盡用牛矣

春秋王侯之享年久者周平王五十一年齊景公五十
八年楚武王五十一年杞桓公六十年滕宣公七十餘
年許穆公小邾穆公皆五十餘年邾文公五十一年遷
繹而卒不爲不吉也

善星文者晉士文伯鄭裨竈魯梓慎皆詳於傳時有宋子韋不見左氏而別詳于鴻烈說苑拾遺記諸書

能相人者周內史叔服

識牛鳴者介葛盧

勇力者南宮長萬之破犀革圍人犖之投蓋于稷門耶人統之挾縣門狄虎彌之自成一隊秦董父之登城隊而復上者三顏高之弓六鈞狼蹕之斬囚爭右先軫之免胄馳狄叔山冉之搏人以投高固之築石以投人干

犖之請一矢熊宜僚之當五百人子期之抉豫章殺人
慶舍之援楸動于薨如此之類事固甚奇左氏形容曲
盡其妙

善射者多養由基爲最射徹七札射呂錡以一矢復命
淮南子曰楚有白鰻王射之則搏矢而嬉使養由基射
之始調弓矯矢而鰻抱柱號矣

形貌則晉文公駢脅

合幹

宋華元睥目

出目

皤腹大腹于思

多鬢
泛貌

宋子罕黔

黑色

皇國父皙

白皙

齊陳武子白皙鬢

鬚者甚口

大口

楚穆王蠶目而豺聲越椒熊虎之狀豺

狼之聲

宋公子鮑美而艷元公惡而婉大子痤美而

很

惡貌醜也

晉叔虎美而有勇力伯石豺狼之聲齊陳

豹長而上僂望視

衛渾良夫長而美孟縶足不良弱

行

跛也

鄭駸蔑賈大夫俱惡魯豎牛黑而上僂深目

而豸喙

叔孫氏之子

穀梁傳季孫行父禿晉卻克眇衛孫

良夫跛曹公子手僂同時而聘於齊

杜預云行父跛

又長狄身

橫九畝斷其首而載之肴見于軾

婦人形貌則孔父之妻美而艷宋為司徒女赤而毛長而美

手文則唐叔曰虞成季曰友仲子曰為魯夫人石經古文虞作魯魯作衣手文或似之

衣飾則楚子玉瓊弁玉纓 鄭子臧鷓冠 晉郤至韎

韋之附注 齊東郭書哲幘而衣狸製 衛渾良夫紫衣狐裘

雨衣曰製左右異色曰偏衣軍中上下同服曰均服藍

縷敝衣也游服常服也鞶鑑以鑑飾帶也縞帶吳地所貴紵衣鄭地所貴故子產季札以相贈也

婦人之衣曰蒙衣其近身衣曰衾服

左氏近誣先儒既言之矣即以鬼神論之方伯有之報帶段也國人恐矣然伯有之出乃子皙攻之而始伐

之今不先報皙而顧急殺段何耶且申生之死驪姬譖之也而徒知報惠公之改葬楚成之死本太子商臣所弑也而徒知以不瞑爭諡皆昧於輕重矣他如柩聲如

牛老人結草秦謀六日而蘇之類皆小說家之談而左氏不免況後世之史書乎

言夢左氏蓋屢見之夢天使者燕姑趙嬰夢河神者子玉夢祖先者衛成及孔成之夢康叔曹人之夢振鐸昭公之夢襄公韓宣之夢文公荀偃之夢厲公夢鬼物者晉景之夢大厲夢二豎平之夢黃熊鄭人之夢伯有衛侯之夢渾良夫至於叔孫之夢天壓已宋昭公之夢已爲大鳥則幻極矣衛侯之夢課聲伯之夢歌則奇甚矣

昭七年一歲而言夢者四晉景公一卒而叙夢者三則煩甚矣

物怪則豕人立內外蛇鬪蛇出泉宮虎孔子文鳥鳴出石言龍鬪雄鷄斷尾龍見絳郊左氏之誣在是其章句之妙亦在是

車名廣車軌車皆兵車也輶士車即棧車也屏軒卿車也魚軒飾以魚也衝戰車也巢車車上望櫓也亦曰樓車有障曰藩有衣曰蔥靈篲路柴車也衷甸一轅亦卿

車也鞬鞞鞅鞞車乘之飾也美澤可鑑言其美也

舟名吳有餘皇比舟爲梁曰造舟

鼎名郤鼎莒方鼎甲文鼎讒鼎吳壽夢鼎衛舒鼎晉鑄刑鼎

鐘名鄭有襄鐘衛有大呂晉有姑洗季武子鑄林鐘鼓名晉有密須之鼓

琴名魯齊姜有頌琴猶言雅琴也

劍名吳有屬鏤虞叔有寶劍

弓名魯有封父之繁弱楚有大屈弓無緣者曰弭弓衣

曰弣

矢名魯有金僕姑矢之善者曰敢矢桶曰冰亦曰房

甲名晉有闕鞏之甲

旗名趙簡子有螽旗齊有靈姑鉦鄭有螫弧

玉名魯有龍輔璫璵韓宣子有玉環晉有垂棘之璧崔

氏有拱璧周有寶珪魯有夏后氏之璜衛向魋亦有之

爾雅肉倍好謂之璧肉好若一謂之環

肉邊好也

雙玉曰

穀

器名齊以紀獻玉磬賂晉燕以瑤璽玉積罍耳賂齊鄭
有瑾罍玉瓚魯昭公賜子家雙琥一環一璧輕服鄭賂
晉以歌鐘鑄磬周有魯壺

以人賄者魯賂楚以執斲執緘執紆皆百人鄭賂晉以
師悝師觸師蠲又賂宋以師筏師慧

請帶請冠皆求賂也衛賂叔鮒一篋錦季孫賂梁丘據
幣錦二兩縛一如瑱

木名則晉首山有翳桑多蔭桑也楚朝有豫章大木也
趙盾之庭有槐季氏之家有嘉樹

鳥名則五鳩

祝鳩鵙鳩鵙鳩鵙鳩鵙
鳩鵙也詳傳中

五雉

杜曰雉有五種鷓
雉鷓雉翟雉鷓雉

翬雉

九尾

尾有九種春尾鷓鷓夏尾鷓鷓
秋尾鷓鷓冬尾鷓鷓
尾鷓黃棘尾鷓鷓丹行尾鷓鷓
宵尾鷓鷓噴噴桑尾

竊脂老尾鷓鷓鷓鷓
尾少異用以名官

爰居

海鳥茅鷓鷓鷓鷓鷓鷓皆鳥名也

獸名則渾敦窮奇檮杌饕餮封豕皆取惡獸爲喻也於

菟楚人謂虎也臯比虎皮也婁豬求子豬也艾豨老牡

豕也燧象者以火繫象尾如田單火牛之類也犀似豕

兕似牛麋多爲災熊蹯難熟鼠有螫毒曰鼯鼠

馬名則鄭有小駟唐有肅爽衛有啟服晉有屈產之乘
畫馬爲文曰文馬宋景公朱白馬之尾鬣

犬名則晉有獒犬之狂曰瘞狗叔孫有吠狗

龜名則衛有成之昭兆魯臧氏有大蔡儻句

蟲名則有螽蟴蜚蠊蝻始生曰蜉

左傳事緯前集卷六